

**Ո Ր Ո Շ ՈՒ Մ**  
**ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ**  
**ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ 2016Թ. ՀՈՒԼԻՍԻ 6-Ի ՆԻՍՏԻ**  
**(արձանագրություն N 13)**

Լսելով Խաչատուր Աբովյանի անվան հայկական պետական մանկավարժական համալսարանում Մանկավարժական պրակտիկայի արդյունավետության բարձրացման մասին ուսումնական գործընթացների հարցերով պրոռեկտոր Միեր Մելիք-Բախշյանի հաղորդումը՝

**Գիտական խորհուրդը որոշում է՝**

1 Մանկավարժական պրակտիկայի արդյունավետության բարձրացման մասին հաղորդումն ընդունել ի գիտություն:

**2. Հանձնարարել.**

- ա) պրակտիկայի կենտրոնի ղեկավար Վահան Սարգսյանին մինչև ս.թ. օգոստոսի 25-ը մշակել և գիտական խորհրդի հաստատմանը ներկայացնել մանկավարժական պրակտիկայի պաշտպանության ընթացակարգ,
- բ) Ֆակուլտետների ղեկաններին՝ ապահովել պատշաճ հսկողություն մանկավարժական պրակտիկայի գործընթացի նկատմամբ,
- գ) իրավաբանական կենտրոնի ղեկավար Արմեն Ֆերոյանին և պրակտիկայի կենտրոնի ղեկավար Վահան Սարգսյանին՝ սահմանված կարգով ապահովել պրակտիկայի հիմնարկների հետ պայմանագրերի կնքումը,
- դ) Ուսումնական գործընթացների կառավարման վարչության պետ Սվետլանա Հովակիմյանին և պրակտիկայի կենտրոնի ղեկավար Վահան Սարգսյանին՝ մինչև ս.թ. սեպտեմբերի 1-ը կազմակերպել պրակտիկայի հիմնարկների հետ համատեղ աշխատաժողով՝ մանկավարժական պրակտիկայի հիմնախնդիրների վերաբերյալ,
- ե) մանկավարժական պրակտիկան սպասարկող ամբիոններին՝ պատրաստել մասնագիտական մեթոդական ուղեցույցներ՝ հաշվի առնելով ընդհանուր մեթոդիստի ուղեցույցի, պրակտիկայի առարկայական նկարագրերի պահանջները և մասնագիտության առանձնահատկությունները,
- զ) կրթության բարեփոխումների և որակի վարչության պետ Մկրտիչ Ավագյանին՝ ապահովել բակալավրի կրթական ծրագրով առկա ուսուցման համակարգում սովորող բոլոր ուսանողների մուտքը առցանց կրթական համակարգ /google classroom/:

**3. Հաստատել.**

- ա) ուսումնական աշխատանքների ծավալների հաշվարկի չափորոշիչներում հետևյալ փոփոխությունները.
  - 1) բակալավրի կրթական ծրագրով նախատեսված երրորդ կուրսի երկրորդ կիսամյակի և չորրորդ կուրսի առաջին կիսամյակի մանկավարժական պրակտիկաների ղեկավարման համար նախկին 12 ժամի փոխարեն հատկացնել 11 ժամ, որից 2 ժամ հատկացնել պրակտիկայի ղեկավարին, 9 ժամ՝ մեթոդիստին:
  - 2) ուսումնաճանաչողական պրակտիկաների մեկ խմբի ղեկավարման համար մեթոդիստին հատկացնել 22 ժամ նախկին 12 ժամի փոխարեն:

- բ) մանկավարժական պրակտիկայի թղթապանակը,
  - գ) մեթոդիստի ուղեցույցը,
  - դ) պրակտիկայի դիտարկումների մատյանը:
4. Բակալավրի կրթական ծրագրի ամփոփիչ ատեստավորման ավարտական քննության <<Մանկավարժություն>> և <<Դասավանդման մեթոդիկա>> առարկաների գնահատականը փոխարինել ուսանողի մանկավարժական պրակտիկաների միջին որակական գնահատականով:
5. Բակալավրի կրթական ծրագրի ամփոփիչ ատեստավորման վերջնական գնահատականը ձևավորել երկու բաղադրիչներով՝ հավասար համամասնությամբ.
- ա) ամփոփիչ ավարտական քննության և/կամ դիպլոմային աշխատանքի գնահատականի,
  - բ) մանկավարժական պրակտիկաների միջին գնահատականի:

**Գիտական խորհրդի նախագահ՝**

**Ռ.Միրզախանյան**